

**UGOVOR  
O JAVNOJ NABAVCI ROBA**

Zaključen dana 21.08.2017. godine u Sarajevu između:

**KJP „Sarajevo-šume“ d.o.o. Sarajevo, ul. Maršala Tita 7/II** (u daljem tekstu: **Kupac**), koga zastupa Direktor Preduzeća **mr.sci. Nermin Demirović, dipl.ing.šum.**

i **„SEJARI“ Društvo sa ograničenom odgovornošću za trgovinu i usluge Sarajevo**, sa sjedištem u Sarajevu, ul. Blažuj br. 78, registrovano kod Općinskog suda u Sarajevu, Aktuelni izvod iz sudskog registra: 065-0-RegZ-17-004547 od 08.06.2017. godine; identifikacioni broj: 4200118400007; PDV broj: 200118400007 (u daljem tekstu: **Prodavac**) koga zastupa **Sarajlija Hasan**.

(u daljem tekstu : **Ugovorne strane**)

**Član 1.**

243

Predmet ovog Ugovora je javna nabavka roba za potrebe Kupca u 2017. godini, i to:

**- Lot 1. – Autobus-minibus (nov)**

u svemu prema Obrascu za cijenu ponude - Lot 1.- Autobus - minibus (nov) i Specifikaciji Autobus - minibus nov, koji su sastavni dio Ponude Prodavca protokolisane kod Kupca pod brojem: 0103-422-8/17 od 25.07.2017. godine, a koji su prilog ovog Ugovora i njegov sastavni dio.

Ukupna vrijednost robe iz prethodnog stava iznosi **363.198,00 KM**, bez uključenog iznosa pripadajućih indirektnih poreza, odnosno PDV-a, koji plaća Kupac.

**Član 2.**

Ovaj Ugovor se zaključuje na osnovu Zapisnika sa otvaranja ponuda za javnu nabavku roba, broj: 0103-422/17 za Lot 1. – Autobus-minibus (nov), broj: 0103-422-12/17 od 25.07.2017. godine, Zapisnika o pregledu i ocjeni ponuda, broj: 0103-422-14/17 od 27.07.2017. godine, pravosnažne Odluke o izboru najpovoljnijeg ponuđača, broj: 0103-422-15/17 od 28.07.2017. godine i Odluke Nadzornog odbora Kupca, broj: 0102-422-4/17 od 20.02.2017. godine i broj: 0102-1910-4/17 od 27.07.2017. godine.

**Član 3.**

Prodavac se obavezuje da za potrebe Kupca izvrši isporuku robe navedene u članu 1. ovog Ugovora, najkasnije u roku od 60 (šezdeset) dana od dana zaključenja ovog Ugovora, fcco Centralni magacin Kupca u Hadžićima, ul. Hadželi broj 1., Hadžići, a u svemu prema Ponudi Prodavca protokolisanom kod Kupca pod brojem: 0103-422-8/17 od 25.07.2017. godine.

**Član 4.**

Prodavac je dužan nakon potpisivanja ovog Ugovora, a prije isporuke robe iz člana 1. ovog Ugovora o vlastitom trošku izvršiti registraciju (tehnički pregled, osiguranje AO i registracija) i prevod vozila na ime Kupca i kao takve ih isporučiti Kupcu.

**Član 5.**

Prilikom prijema robe iz člana 1. ovog Ugovora predstavnici Kupca će u prisustvu predstavnika Prodavca izvršiti pregled robe, kojom prilikom će utvrditi da li isporučena roba zadovoljava tražene karakteristike navedene u Tenderskoj dokumentaciji, broj: 0202-422-5/17 i ponudi Prodavca, broj: 0103-422-8/17 od 25.07.2017. godine, te utvrditi da li je Prodavac izvršio registraciju (tehnički pregled, osiguranje AO i registracija) i prevod vozila koja su predmet ovog Ugovora na ime Kupca. Kupac je dužan prilikom predaje robe iz člana 1. ovog Ugovora predati Kupcu dokumentaciju o izvršenoj registraciji (tehnički pregled, osiguranje AO i registracija) i prevodu vozila koja su predmet ovog Ugovora na ime Kupca.

O naprijed navedenom će se sačiniti Zapisnik o primopredaji.

## **Član 6.**

U slučaju kašnjenja u isporuci roba, do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1 % naručiocu roba (vrijednosti ugovorenih roba) za svaki dan kašnjenja do uredne isporuke, s tim da ukupan iznos ugovorne kazne ne može prijeći 10% od ukupne ugovorene vrijednosti roba koje su predmet narudžbe. Prodavac je dužan platiti ugovornu kaznu u roku od 7 dana od dana prijema zahtjeva za plaćanje od strane Kupca.

## **Član 7.**

Ugovorne strane su saglasne da je jedinična cijena i ukupna vrijednost ponude utvrđene u članu 1. ovog Ugovora bez uračunatih indirektnih pripadajućih poreza odnosno PDV-a i da su iste nepromjenjive u skladu sa Izjavom datom u ponudi Prodavca protokolisanom kod Kupca pod brojem: 0103-422-8/17 od 25.07.2017. godine.

## **Član 8.**

Prodavac pruža garantni rok od 2 (dvije) godine od dana isporuke robe koja je predmet ovog Ugovora.

U slučaju reklamacije Kupca na kvalitet isporučene robe koja je predmet ovog Ugovora, Ugovorne strane će zapisnički konstatovati eventualne nedostatke, a Prodavac se obavezuje da će iste otkloniti odmah zamjenom robe čiji je kvalitet zadovoljavajući.

## **Član 9.**

Prodavac se obavezuje da će u roku od 15 (petnaest) dana od dana zaključenja ovog Ugovora obezbijediti bezuslovnu bankarsku garanciju poslovne banke za dobro izvršenje posla u visini od 10% od ugovorene vrijednosti javne nabavke bez uračunatog PDV-a koja će poslužiti za pokrivanje svake štete i troškova koje Ugovorni organ može imati ukoliko Prodavac prekrši Ugovor o javnoj nabavci od zaključenja do njegovog ispunjenja u cijelosti.

Pokriće iz bankarske garancije ne oslobađa Prodavca odgovornosti od namirenja eventualne potpune štete po odredbama Zakona o obligacionim odnosima ukoliko je visina eventualne štete veća od iznosa koji se može dobiti po osnovu garancije.

U slučaju da Prodavac ne dostavi bankarsku garanciju u skladu sa stavom 1. ovog člana, ovaj Ugovor se smatra apsolutno ništavim.

## **Član 10.**

Kupac se obavezuje da Prodavcu za isporučenu robu iz člana 1. ovog Ugovora plati novčanu naknadu na sljedeći način: 20% ukupne vrijednosti ugovora u roku od 3 (tri) dana od zaključivanja ovog Ugovora, 40% ukupne vrijednosti Ugovora 15 dana nakon uredne isporuke roba i ispostavljene fakture u skladu sa ovim Ugovorom i 40% ukupne vrijednosti Ugovora 30 dana nakon uredne isporuke roba i ispostavljene fakture u skladu sa ovim Ugovorom.

Uplatu po ispostavljenoj fakturi Kupac će izvršiti na transakcijski račun Prodavca, broj: 338 320 225 093 9814 otvoren kod UniCredit banke.

## **Član 11.**

Za realizaciju i praćenje realizacije ovog Ugovora u ime Ugovornog organa zadužuje se Služba za marketing i komercijalne poslove.

## **Član 12.**

Prodavac u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Kupca, najmanje 6 (šest) mjeseci po zaključenju Ugovora, odnosno od početka realizacije Ugovora.

### Član 13.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

### Član 14.

Sve eventualne sporove po ovom Ugovoru Ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

### Član 15.

Ovaj ugovor stupa na snagu danom potpisivanja od strane obje ugovorne strane i traje do 31.12.2017. godine.

### Član 16.

Ovaj Ugovor je sačinjen u 7 (sedam) istovjetnih primjeraka od kojih 5 (pet) zadržava Kupac, a 2 (dva) primjerka Prodavac za svoje potrebe.

Za Prodavca  
Predsjednik uprave društva

Sarajlija Hasan

**sejari**  
d. o. o. sarajevo

Za Kupca  
Direktor

mr.sci. Nermin Demirović, dipl.ing.šum.

Izvršni direktor Oblasti za šumarstvo

Proha Adnan, dipl.ing.šum.

Izvršni direktor Oblasti za opšte poslove

Kečo Hidajeta, dipl. ecc.

Broj: 826  
Datum: 22.08. 2017. godine

Broj: 0103-422-17/17  
Datum: 21.08.2017. godine